

vnnnd aus der Erden wachsen lest / al-
 lerley nützliche monumenta vnnnd Ge-
 fesse gemacht werden / Diß geschicht
 zwar alles durch Menschen Hände vnd
 Arbeit / aber wie gesaget / Woher hat
 der Mensch die Kunst vnd Geschicklig-
 keit / daß er solches alles / oder der eine
 diß / Der ander ein anders schicklich
 vnd künstlich machen kan / als von dem
 Vater des Liechts / von deme alle gute
 Gaben oben herab kommen / Wie sol-
 ches die Heilige Schrift gnugsam be-
 zeuget / zu dem vnnnd fürs dritte / Wo
 auch durch solche des Menschen Ar-
 beit / Sorge / Fleiß vnnnd geschicklig-
 keit / etwas gutes sol verrichtet / vnnnd
 glücklich außgeföhret werden / so muß
 auch Gott selbst durch seinen Geist vnd
 segen der Mitwircker seyn / ohne welches
 hülffe